

抚部院勘语

眼看四代清操上格乎天心太寿踰八旬困范下孚乎舆论斯真朝野
瑞气久推巾幗仪型准题
旌表

藩宪勘语

青年矢志非不欲践同穴之盟孤子无恃恐其反抱终天之憾镜空鸾
影斯无忝于笄祖裾窻剩燕飞谨遵循于帷簿眼看四代寿逾八旬既
获美报于苍冥应表坊名于累

黄州府正堂勘语

据详已故儒士胡备三之妻陈氏持躬淑慎赋性端壮明大义于青年
完清节于皓首问寝视膳顺承堂上翁姑画狄凡熊培植庭前三

蕲州正堂勘语

勘得已故儒士胡备三公之妻陈氏柏舟矣志水雪为操孝事舅姑如
道兼成子道训垂孙子母仪克备师仪斯诚巾幗之范围抑亦彤史之称
重者也

儒学正堂勘语

勘得儒士胡备三之妻陈氏秉性柔顺立志坚贞适夫未旬年而夫逝
生子甫九岁而子孤翁姑之生养葬循谨无违子孙之诵读诗习殷勤弗
懈采芹折桂上天已眷其子孙族颂乡评

朝廷宜

旌

以贞节兹据举人胡万年呈报取具户首廩生胡玉及邻里甘结

附详州志

志曰胡备三之妻陈氏年二十八夫卒抚孤崇谦慈严兼济事舅姑
就养无方课子成名苦节五十五年

乾隆六年

旌

宋真宗御贊華林胡氏詩二首

(一)

黃河曾見几番清，罕睹人間有此榮；
千里朱幡迎五馬，一門黃榜占三名；
文星昨夜朝金闕，瑞氣今晨擁玉京；
最喜狀元并榜眼，探花俱是弟和兄。

(二)

一門三刺史，四代五尚書；
他族未聞有，朕今只見胡。

宋仁宗御贊華林胡氏詩

御寶印封給儒才，雨露恩深一嘆開；
上國風光歸故里，表門欽賜九天來。

宋孝宗淳熙御筆贊

御筆親題燦錦霞，滿封官職遍天涯；
名垂千古應難朽，慶衍千秋宰相家。

徐鉉在《華林書院記》中寫道：

“士君子承先世之澤，服聖賢之教，修身治心，行之本也；
睦親敦化，孝之大也；化民成俗，仁之至也。御札賜書，日星并曜；
宸章聖藻，金石同輝。期有光于前人，不無望于奕世，為胡氏后者，
庶几勉之。”

御史胡城公詩六首

周代受封

妣滿勳猷闕父基，武王親自配元姬；
千旌子子封陳日，寵渥覃覃受命時；
光被華夷功懋者，名聞朝野澤均施；
元元何幸生斯世，承襲宗風皞皞知。

送盛伯嘉回朝

九年雁序忍分离，诏下今朝遇已知；
上国风光初晓日，御阶恩渥暮春时；
内廷再考文称异，圣主宣名奖亦奇；
故里仙槎若相问，一年攀折两重枝。

交河塞下曲

交河冰薄日迟迟，汉将思家感别离；
塞北草生苏武泣，陇西云起李陵悲；
晓侵雉堞鸟先觉，春入关山雁独知；
何处疲兵心最苦，夕阳楼上笛声时。

独不见古乐府名

玉关一自有气埃，年少从军竟未回；
门外尘凝张乐榭，水边香灭按歌台；
窗残夜月人何处，帘卷春风燕复来；
万里寂寥音信断，寸心争忍不成灰。

渔者

不愧人间万户侯，子孙相继老扁舟；
往来南越谿蛟室，生长东吴识蜃楼；
自谓钓竿能遣闷，不因萱草解忘忧；
羡君独得逃名趣，身外无机任白头。

周瑜庙

共说生前国步难，山川龙战血漫漫；
交锋魏帝旌旗退，委质吴王社稷安；
庭际两余春草长，庙前风起晚花残；
功勋碑碣今何在，不得当时一字看。